

欽定
雲
詠
抄

呂世宜題

上冊

歡亭詩鈔

初編

何廣惠
拜題

序

同安林生樹梅將家子折節爲儒而負奇與俗異趨其
先人武義都尉歷官水師叅將一爲臺灣安平鎮副將
生竝侍行所至必相其山川扼塞稽羣盜出沒姦人接
濟佐父理戎政及武義卒隨喪歸里其居金門在明多
名人跡山鑱石刻沒於荒煙蔓草者生搜訪幾遍得明
魯王漢影雲根字於厓壁跡其墓而封樹之得盧牧洲
先生逸事爲補前傳家藏鐵箴恆月夜倚海上最高峯
酌酒獨吹吹已長嘯其負奇如此歲乙未生年二十有

七來從余學爲古文余考其業善序事鬱勃有生氣時
余將去福州恨得生之晚也明年夏余掌教廈門道出
福州歛病瘡臥邸生日來問訊呼醫稱藥夜分始歸休
窺其意殊切余感之而嘆古今負奇者以氣生乃足於
性其尤難得可貴尙也生有別業在福州余返自廈門
爲生畱二十日論文出所箸詩鈔乞正詩多奇氣如其
文悲壯蒼鬱近秋笳集更進而益上可至李君虞因彙
其生平行事爲之序俾四方閱生詩者知生孕奇於性
不徒恃氣之弗奪也同學友光澤高澍然雨農序

歙雲詩鈔初編總目

第一卷

道光辛巳至己丑存古今體詩四十首

第二卷

辛卯至丙申存古今體詩三十三首

第三卷

丁酉至戊戌存古今體詩三十七首

第四卷

己亥至庚子存古今體詩三十五首

第五卷

辛丑至壬寅存古今體詩三十五首

第六卷

癸卯至甲辰存古今體詩四十二首

第七卷

乙巳至丙午存古今體詩三十八首

第八卷

丁未至存古今體詩首

獻雲詩鈔卷一

金門 林樹梅 箸

太武山十八詠

太武爲金門主山廣輿記謂有十二奇景而不
臚其名樹梅生長是鄉日與名山相接愛其雄
偉離奇而有鬱葱靜深之氣因搜訪古迹續得
六景爲作十八詠云

海印巖

海上卓方巖如印繫在肘安得文武才俾作中流守

古石室

仙山信步登石竅，敞虛室中有太古雲。未肯因人出，

一覽亭

孤巖如掌平，危亭矗雲表。一覽極秋空，天外征帆小。

石門關

一入此門來，自覺仙凡別。不識出關雲，滄桑經幾閱。

玉几巖

琴罷玉几閒，山水有餘響。儻告宗少文，弗作卧遊想。

偃蓋松

無意千層霄荒巒自偃蓋竟日坐忘歸聽濤引天籟

倒影塔

塔影壓滄波反照射巖樹顛倒非神通理惟靜者悟

眠雲石

仙人抱雲眠遺此眠雲石伴我讀奇書卧看雲生席

蟹眼泉

明盧牧洲先生島上四泉記品此爲第一

自拾枯松子來烹第一泉鳴鐺浮蟹眼如聽伯牙絃

跨鼇石

少時慕神仙恨不生羽翼今來騎巨鼇神遊觀八極

千丈壁

千丈絕題刻蒼然太古色試問參枯禪面此何所得

瀑布泉

翦取小龍湫天半落寒翠倒卷大雲輪膏澤及萬類

風動石

何曾石點頭欲訝風生草感此息機心悠然悟天巧

羊腸路

叱石久已爛迴腸當路隅未經營險阻安得歸夷涂

仙人跡

片石淨無苔宛然印玉趾修爲到凌虛要從實地起

萬頃田

興到便游山貧來無寸土耕雲種靈芝此意浩終古

浸月池

天月有圓缺水月長清輝何不洗心去掬月空手歸

步雲梯

上山雲愈高階梯無止境勉哉學道人步步發深省

移梅

不憚山林遠移來水石旁格高須得地影瘦豈關霜默

默回春氣徐徐發古香他時資鼎實毋使本根傷

宋楊太后陵

南澳古老山有宋慈元楊太后陵按宋史陸秀夫負帝沈海太后亦自沈張世傑得其屍葬海濱而南澳去厓山千餘里太后倉卒投淵得屍爲幸豈能返葬曰太后陵傳疑也

太后陵在何許桄榔葉暗猿嘯苦間關忍作未亾人三載垂簾傷幼主聽政稱奴淚如雨塊肉終沈天莫補厓海遙遙萬丈深安得一抔瘞茲土太后陵足千古

帝子樓

址在南澳志載帝昺駐蹕所築

海風搖簸帝子樓帝子驚怛丞相愁風塵何處安鑾騶
朝衫淚血遽登舟南紀茫茫天盡頭宋家遺蹟猶千秋
吁嗟居庸夜出今焉留

陸丞相墓

在南澳之青澳青徑口

青徑口丞相墓千里厓門可指顧壯君仗劍驅妻孥天
不可擎海可赴地下碧血天壤名怨禽時叫冬青樹

辭郎洲

在南澳五嶼之北志載景炎元年帝舟遷潮州
紅螺山明年正月遷惠州甲子門都統張達率
義勇扈從其妻陳璧娘送之至此後人因名其
地爲辭郎洲璧娘嘗作平元曲及達殉難璧娘
求得其屍葬之不食而死

辭郎洲辭郎郎去海上頭妾恨此身爲女子不能援鼓
分郎憂辭郎郎去雙淚流望郎努力生封侯不然捐軀
報君國妾當面骨歸首邱辭郎洲浪悠悠

渡臺紀事

道光四年家君署臺灣副總兵官樹梅侍行越
二年歸作渡臺記意有未盡復成此篇

我家居金門當門挹溟渤對峙有臺灣鯨鯢競出沒家
君冊戰勳駕海功猶烈奉檄乘長風紀候秋八月偏師
經里閭疾馳舟不歇一葉跨洪濤隨波爲凹凸橫渡黑

水洋鬼哭陰雲結海立龍涎垂千里勢一瞥鷗班登桅

巔

舟人理帆
繩曰鷗班

整帆慮拘折驟聞衆語譁徹夜補艙裂曦

明見遠峯鹿耳險天設將吏紛來迎慰勞相咋舌不然

昨夜風落際命當絕出險如再生驚定轉愉悅吁嗟復何常蹤跡鴻泥雪寒暑今再更使我壯心切

臺灣感興

將軍靖海駕樓船一戰功名二百年地轉荒陬成樂土春隨王化到窮邊關津自昔稱奇險鎮治於今有大賢我正趨庭心愛日學詩聊作紀游篇

舟楫乘風任往還蓬壺疑在有無間煙波一氣連金廈

水火同源出玉山

嘉義玉案山麓火出水

中晝夜不絕六月不寒仙草凍

土產仙草煮汁如水食可解暑

四時常燠佛桑殷

氣候炎熱佛桑花卽扶桑一叢日開千百

朶搜奇擬續元虛賦歷遍臺陽第幾灣

三年兩度賦東征蕞爾么膺旋踵平

甲申平鳳山丙戌平彰化

伏莽

欲清先保甲流氓當卹正呼庚金湯永固須同志赤子
如何敢弄兵知有封章陳善後至尊方切念蒼生

澎湖留別

澎山三十六荒壘半漁寮虎井風煙壯龍宮暑瘴消

家君

爲民禱雨建龍神宮

雲生香鼎巖雷壓吼門潮

虎井香鼎吼門皆最險處

訪古

屯軍蹟週迴盪短橈

昔我初來處舟從外塹迂厨孃炊犢糞蜚女鬻螺珠日